



Javna ustanova „Služba za zapošljavanje Kantona Sarajevo“ Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09 i 18/13), te Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2021. godini broj: 02-04-21805-40.1/21, utvrđen Zaključkom Vlade Kantona Sarajevo broj: 02-04-21805-40/21 od 20.05.2021.godine, o b j a v l j u j e:

**JAVNI POZIV POSLODAVCIMA**  
**ZA UČEŠĆE U PROGRAMU SUFINANSIRANJA ZAPOŠLJAVANJA „ZLATNA**  
**ZNAČKA“**

**I**

U cilju realizacije Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2021. godini, Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba), poziva poslodavce koji kao svoju osnovnu djelatnost obavljaju naučno-nastavni, odnosno umjetničko nastavni ili naučno-istraživački, odnosno istraživačko-razvojni rad, a koji su za obavljanje pomenute djelatnosti registrirane na području Kantona Sarajevo da prijave potrebu za zapošljavanjem visokoobrazovanih stručnih osoba, prijavljenih na evidenciju nezaposlenih u Kantonu Sarajevo prije objave ovog javnog poziva.

Cilj Programa sufinansiranja zapošljavanja „Zlatna značka“ (u daljem tekstu: Program) je novo zapošljavanje i obezbjeđenje potrebne kvalifikacione strukture radne snage.

**II**

Planirana sredstva za ove namjene iznose 144.000,00 KM, a cilj je zapošljavanje 15 nezaposlenih osoba iz ciljne kategorije.

Služba će poslodavcima koji budu obuhvaćeni Programom i potpišu Ugovor o radu sa nezaposlenom osobom iz ciljne kategorije u skladu sa Zakonom o radu, mjesečno, 12 mjeseci, refundirati sredstva u ukupnom iznosu od 800,00 KM po novouposlenoj osobi za isplatu plaća i uplatu zakonom propisanih poreza i doprinosa. Svi drugi eventualni troškovi padaju na teret poslodavca.

**III**

Poslodavci koji kao svoju osnovnu djelatnost obavljaju naučno-nastavni, odnosno umjetničko nastavni ili naučno-istraživački, odnosno istraživačko-razvojni rad, a žele da učestvuju u Programu „Zlatna značka“ dužni su:

1. podnijeti aplikaciju u roku predviđenom u javnom pozivu,
2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa

listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik ne starije od 30 dana od dana objave javnog poziva (izdat od strane Uprave za indirektno oporezivanje Bosne i Hercegovine), a ako podnosilac aplikacije nije PDV obveznik dostavlja izjavu ovjerenu kod nadležnog općinskog organa ili notara da nije PDV obveznik i potvrdu banke o otvorenom glavnom računu poslodavca (ako je poslodavac budžetski korisnik dostavlja šifru budžetskog korisnika), sve u originalu ili ovjerenoj fotokopiji.

#### **IV**

Poslodavci koji redovno ne izmiruju obaveze uplate javnih prihoda ne mogu učestvovati u ovom programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru, kao ni poslodavci koji nemaju radnika prijavljenih na penzijsko-invalidsko osiguranje.

#### **V**

Prilikom vrednovanja aplikacija, prednost će imati aplikanti koji zaposlenike traže za naučno-istraživački rad, odnosno istraživačko razvojni rad, poslodavci koji zaposlenike traže za naučno-nastavni, odnosno umjetničko-nastavni rad, poslodavci koji su bili korisnici Programa i koji su po isteku perioda sufinansiranja zadržali sve ili dio sufinansiranih osoba i poslodavci koji trenutno nisu korisnici programa sufinansiranja zapošljavanja koje finansira Federalni zavod za zapošljavanje ili Služba.

Kod istog broja bodova prednost se daje poslodavcu koji je prije podnio aplikaciju za učešće u ovom programu.

#### **VI**

Pravo učešća u Programu imaju visokoobrazovane osobe koje su dobitnici „Zlatne značke“ na visokoškolskim ustanovama članicama Univerziteta u Sarajevu, prijavljene na evidenciju nezaposlenih u Kantonu Sarajevo, prije objave javnog poziva za Program „Zlatna značka“ i dalje do potpisivanja ugovora o radu sa poslodavcem kojem su odobrena sredstva po ovom programu, te poslodavci koji kao svoju osnovnu djelatnost obavljaju naučno-nastavni, odnosno umjetničko nastavni ili naučno-istraživački, odnosno istraživačko-razvojni rad

#### **VII**

Javni poziv ostaje otvoren do 01.10.2021.godine.

Vrednovanje aplikacija se vrši na osnovu utvrđenih kriterija u članu V. Javnog poziva i utvrđuje se prijedlog liste poslodavaca za učešće u Programu. Nepotpuni i neblagovremeni zahtjevi neće se uzeti u razmatranje.

#### **VIII**

Rezultati ovog javnog poziva biće objavljeni na web stranici Službe.

#### **IX**

Služba će sa poslodavcima koji budu obuhvaćeni Programom, zaključiti ugovore kojima će biti regulisana sva prava i obaveze ugovornih strana, u skladu sa Programom.  
Rok za realizaciju Programa je 18 mjeseci od dana potpisivanja pojedinačnih ugovora sa poslodavcem uključujući i eventualne anekse ugovora.

## X

Aplikacije sa potrebnom dokumentacijom, podnose se neposredno ili preporučeno putem pošte Javnoj ustanovi „Služba za zapošljavanje Kantona Sarajevo“ Sarajevo, ulica Đoke Mazalića broj 3, sa napomenom: „Za Program sufinansiranja zapošljavanja „Zlatna značka“.

Dodatne informacije mogu se dobiti u Odjeljenju za podsticajne mjere zapošljavanja, kancelarija broj 15/I i na broj telefona 033/ 569-082.

---

Sarajevo, Đoke Mazalića 3,  
web-stranica: [www.szks.ba](http://www.szks.ba); e-mail adresa: [info@szks.ba](mailto:info@szks.ba)  
Tel:++387 (33) 569-100, fax: 204-177; Matični broj: 4200304610003;  
Poreski broj: 01079085; Računi Intesa Sanpaolo Banka d.d. Sarajevo:  
1549212010171056-depozitni račun, 1540012000135120-transakcijski račun

